

岑嘉州詩





岑嘉州詩集序



自古文體變易多矣梁簡文帝及庾肩吾之屬始為輕浮綺靡之詞名曰宮體自後齊襲務於妖艷謂之摘錦布繡焉其有敦尚風格頗存規正者不復為當時所重諷諫比興由是廢缺物極則變理之常也聖唐受命斷雕為朴開元之際王綱復舉淺薄之風茲焉漸革其時作者凡十數輩頗能以雅叅麗以古雜今彬彬然粲粲然近建安之遺範矣南陽岑公聲稱尤著公諱參代為本州冠族魯大

父文本大父長倩伯父羲皆以學術德望官
至台輔早歲孤貧能自砥礪徧覽史籍尤工
綴文屬辭尚清用意尚切其有所得多入佳
境迴拔孤秀出於常情每一篇絕筆則人人
傳寫雖閭里士庶戎夷蠻貊莫不諷誦吟習
焉時議擬公於吳均何遜亦可謂精當矣天
寶三載進士高第解褐右內率府兵曹叅軍
轉右威衛錄事叅軍又遷大理評事兼監察
御史充安西節度判官入為右補闕頻上封
章指述權佞改為起居郎尋出號州長史又

改太子中允兼殿中侍御史亢關西節度判
官聖上潛龍藩邸總戎陝服叅佐僚史皆一
時之選由是委公以書奏之任入為祠部考
功二員外郎轉虞部庫部二正郎又出為嘉
州刺史副元帥相國杜公鴻漸表公職方郎
中兼侍御史列為幕府無幾使罷寓居於蜀
時西川節度因亂受職本非朝旨其部統之
內文武衣冠附會阿諛以求自結皆曰中原
多故劍外少康可以庇躬無暇向關公乃著
招蜀客歸一篇集此中申明逆順之理抑挫佞

邪之計有識者感嘆姦謀者慚沮播德澤於
梁益暢皇風於邛僊旋軫有日犯軼俟時吉
往凶歸嗚呼不 歲月逾邁殆三十年嗣子
佐公復纂前緒亦以文采登名翰場收公遺
文貯之筐篚以確接通家餘烈忝同聲後輩
命編次因令繕錄區分類聚勒成八卷倘後
之詞人有所觀覽亦由聆廣樂者識清商之
韻遊名山者仰翠微之色足以瑩徹心府發
揮高致焉京兆杜確序

岑嘉州詩卷之一

五言古詩

九



送許子擢第歸江寧拜親因寄王大

昌齡



國一作郭

建業控京口金陵款滄溟君家臨秦淮傍對
石頭城十年自勤學一鼓遊上京青春登甲
科動地聞香名解榻皆五侯結交盡群英六
月槐花飛忽思蓴菜羹跨馬出國門丹陽返
柴荆楚雲引歸帆淮水浮客程到家拜親時
入門有光榮鄉人盡來賀置酒相邀迎閑眺

一作登江樓又云因

登樓

地一作下朝一作胡

開一作聞
一作悲且

北顧樓醉眠湖上亭月從海門出照見茅山
青昔為帝王州今幸天地平五朝變人世千
載空江聲玄元告靈符丹洞獲其銘皇帝受
玉冊群臣羅天庭喜氣薄太陽祥光徹宵冥
奔走朝萬國崩騰集百靈王兄尚謫宦屢見
秋雲生孤城帶後湖心與湖水清一縣無諍
辭有時開道經黃鶴垂兩翅徘徊但悲鳴相
思不可見空望牛女星

武威送劉單判官赴安西行營便呈
高開府

旗一作倡

熱海亘鐵門火山赫金方白草磨天涯胡沙
奔茫茫夫子佐戎幕其鋒利如霜中歲學兵
符不能守文章功業湏及時立身有行藏男
兒感忠義萬里忘越鄉孟夏邊候遲胡國草
木長馬疾過飛鳥天窮超夕陽都護新出師
五月發軍裝甲兵二百萬錯落黃金光揚旗
拂崑崙伐鼓振蒲昌太白引官軍天威臨大
荒西望雲似蛇戎夷知喪亡渾驅大宛馬繫
取樓蘭王曾到交河城風土斷人腸塞驛遠
如點邊烽互相望赤亭多飄風鼓怒不可當

悲一作愁
一作不

有時無人行沙石亂飄揚夜靜天蕭條鬼哭
夾道傍地上多髑髏皆是古戰場置酒高館
夕邊城月蒼蒼軍中宰肥牛堂上羅羽觴紅
淚金燭盤嬌歌艷新妝望君仰青冥短翮難
可翔蒼然西郊道握手何慨慷

送王大昌齡赴江寧

對酒寂不語悵然悲送君明時未得用白首
徒攻文澤國從一官滄波幾千里群公滿天
闕獨去過淮水舊家富春渚嘗憶卧江樓自
聞君欲行頻望南徐州窮巷獨閉門寒燈靜

鶴一作鵲

溫一作甘
還一作達

一作開江
風又云開

深屋北風吹微雪袍被肯同宿君行到京口
正是桃花時舟中饒孤興湖上多新詩潛虬
且深蟠黃鶴飛來晚惜君青雲器努力加餐
飯

送祁樂歸河東

祁樂后来秀挺身出河東往年詣驪山獻賦
溫泉宮天子不召見揮鞭遂從戎前月還長
安囊中金已空有時忽乘興畫出江上峯牀
頭蒼梧雲簾下天台松忽如高堂上颯颯生
清風五月火雲屯氣燒天地紅鳥且不敢飛

一作為謝
五老翁

子行如轉蓬少華與首陽隔河勢爭雄新月
河上出清光滿關中置酒灞亭別高歌披心
曾君到故山時為吾謝老翁

北庭貽宗學士道別

萬事不可料歎君在軍中讀書破萬卷何事
來從戎曾逐李輕車西征出太蒙荷戈月窟
外擐甲崑崙東兩度皆破胡朝廷輕戰功十
年祇一命萬里如飄蓬客鬢老胡塵衣裘脆
邊風忽來輪臺下相見披心曾飲酒對春草
彈碁聞夜鐘今且還龜茲臂上懸角弓平沙

向旅館匹馬隨飛鴻孤城倚大磧海氣迎邊
空四月猶自寒天山雪濛濛君有賢主將何
謂泣途窮時來整六翮一舉凌蒼穹

送許拾遺思歸江寧拜親

詔書下青瑣駟馬還吳洲束帛仍賜衣恩波
漲滄流微祿將及親向家非遠遊看君五斗
米不謝萬戶侯適出西掖垣如到南徐州歸
心望海日鄉夢登江樓大江盤金陵諸山橫
石頭楓樹隱茅屋橘林繫漁舟種藥疏故畦
釣魚垂舊鉤對月京口夕觀濤海門秋天子

憐諫官論事不可休
早來丹墀下高駕無淹留

虢州郡齋南池幽興閭二侍御道別
時任虢州長史

池色淨天碧水涼
雨淒淒快風從東南
荷葉翻向西性本愛魚鳥
未能返巖溪中歲徇微官
遂令心賞睽及茲佐山郡
不異尋幽棲小吏趨竹逕
訟庭侵藥畦胡塵暗河洛
二陝震鼓輦故人佐戎軒
逸翮凌雲霓行軍在函谷
兩度聞鶯啼相看紅旗下
飲酒白日低聞君

樂一作落

磬一作境

欲朝天駟馬臨道嘶仰望浮與沉忽如雲與
泥夜眠驛樓月曉發關城雞惆悵西郊暮鄉
書對君題

送青龍招提歸一上人遠遊吳楚別
詩

久交應真侶最歎青龍僧棄官向二年削髮
歸一乘了然瑩心身潔念樂空寂名香泛窻
戶幽磬清曉夕往年杖一劒由是佐二庭於
馬久從戎兼復解論兵世人猶未知天子願
相見朝從青蓮宇暮入白虎殿宮女繫錫杖

御筵出香爐說法開藏經論邊窮陣圖忘機
厭塵喧浪迹向江海思師石可訪惠遠峯猶
在今旦飛錫去何時持鉢還湖煙冷吳門淮
月銜楚山一身如浮雲萬里過江水相思眇
天外南望無窮已

送李翥遊江外

相識應十載見君只一官家貧祿尚薄霜降
衣仍單惆悵秋草死蕭條芳歲闌且尋滄洲
路遙指吳雲端匹馬關塞遠孤舟江海寬夜
眠楚煙濕曉飯湖山寒砧淨紅鱸落袖香朱

橘園帆前見禹廟枕底聞嚴灘便獲賞心趣
豈歌行路難青門須醉別少為解征鞍

送王著赴淮西幕府作

燕子與伯勞一西復一東天空信寥廓翔集
何時同知己悵難遇良朋非易逢怜君心相
親與我家又通言笑日無度書劄凡幾封湛
湛萬頃陂森森千丈松不知有機巧無事干
心胷滿堂皆酒徒豈復羨王公早年抱將略
累歲依幕中昨者從淮西歸來奏邊功秉恩
長樂殿醉出明光宮逆旅悲寒蟬客夢驚飛

鴻發家見春草却去聞秋風月色冷楚城淮
光透霜空各自務功業當須激深衷別後能
相思何嗟山萬重

送張秘書克劉相公通汴河判官便
赴江外覲省

前年見君時見君正泥蟠去年見君處見君
已風搏朝趨赤墀前高視青雲端新登麒麟
閣適脫獬豸冠劉公領舟楫汴水揚波瀾萬
里江海通九州天地寬昨夜動使星今旦送
征鞍老親在吳郡令弟雙同官鱸膾刺堪憶